

Guangjisi Minzcu Bau

ganhhau: CN45-0036 B.2018 Nd.6 Ng.13 liggaeuq fouhswt nienz ndwenseiq samcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3328期

Guengjsae Bineix Yaek Ciusou 184 Boux Siujyoz Cuengh Gun Song Vah Saw Dinghyiengq Son' gyauq Lauxsae

广西今年计划招收 184 名小学壮汉双语定向培养教师

Mboengqneix, gicej daj Swcigih Gyauyuzdingh roxyiuj, Guengjsae bineix yaek ciusou 184 boux siujyoz Cuengh Gun song vah saw lauxsae dinghyiengq son' gyauq swfhanswngh, doengh gij hagseng neix dinghyiengq youq Binhyangz Yen、Majsanh Yen caeuq Denzyangz Yen daengj 25 aen yienh(si、gih) ciusou.

Swcigih Gyauyuzdingh gausai, baez neix dinghyiengq son' gyauq swfhanswngh dwg gauhcungh haidaeuz、conhgoh cwngzsw, ciusou ciennieb dwg 3 bi siujyoz gyauyuz ciennieb (Cuengh Gun song vah saw fueng-yiengq). Ndawde Guengjsae Swfhanswngh Yozyen son' gyauq 112 boux, Guengj-

sae Minzcu Swfhanswngh Yozyen son' gyauq 72 boux.

Ciuq cam rox, boux hagseng bujdungh gauhcungh bizyez camgya bineix bujdungh gauhgauj、diegyouq hagseng dwg aen yienh(si、gih) dinghyiengq ciuseng, hab diuzgienh lajneix ndaej bauqgauj: Gauhgauj cingzci daengz faensoq sienq gauj ndaej gauhciz gauhconh Guengjsae; gagnyienh guh hong lajmbanj siujyoz gyauyuz saehnieb caemhcai youq Cuengh Gun song vah saw siujyoz roxaeuz diemj sonhag guh hong sonhag 8 bi doxhwnj; ndang cangq, dijgenj habgek, ndaej guh hong sonhag.

Ciuq dajveh, doengh gij dingh-

yiengq song vah saw swfhanswngh neix youq hagdanz hagsib geizgan cienzhag、cienzdoinz cungj mbouj aeu, caemhcai ciuq mizgven cwngcwz fat cienzgwndaenj bangbouj dem. Hagseng dinghyiengq bizyez le yaek youz dinghyiengq yienh(si、gih) ciuq hezyi anbaiz couhnieb, dinghyiengq song vah saw swfhanswngh bizyez gaxgonq caeuq youq duenhseiz hezyi gvidingh fugsah, itbuen mbouj ndaej bauqgauj gizyawz dozcanj yozliz gyauyuz; bizyez seiz mbouj hengz dinghyiengq son-gyauq hezyi, aeu ciuq gvidingh boiz gij cienzhag gaenq ndaej yiengjsouh caeuq gyau gij cienzveizyoz.

(Cau Dwzfeih)



Yungzsuij:

Langhbaij Buhvaq Minzcu Coi Huzndei

融水:民族服饰走秀促和谐

Ndwen 6 ngoenz 9, Liujcough Si Yungzsuij Myauzcuz Swciyen banh "Mbanjmyauz gyaeu" langhbaij buhvaq minzcu doxdax. Ca mbouj lai 200 boux Myauz、Yauz、Dung、Cuengh daengj beixnuengx minzcu vunznoix caemh daiz doxdax, doenggvaq guhyoux、guh hong、diuqfoux、ciengqgo daengj gij biujiyen hingzik nyuenz miz neix, langhbaij gij gyaeu buhvaq minzcu vunznoix, coicaenh minzcu doxgiet, yinx ndaej haujlai siminz daeu yawj. Ndaw doz dwg boux mehmbwk Myauzcuz cingq langhbaij daemjrok.

(Lungz Linzi/龙林智)

Swcigih Minzyijveij Cawjbanh Lanzmoeg《Hagdanz Gvangjbo Sawcuengh Vahcuengh》Guh Gaijbanj

自治区民语委主办栏目《壮语文广播学校》迎来全新改版

Vih hab'wngq cangzdai moq bienqvaq moq, ndaej hawj vunz lai habhoz gij aeuyungh ndwenngoenz cingsaenz vwnzva lai cungj lai yiengh haenx, laebdaeb fatok 《Hagdanz Gvangjbo Sawcuengh Vahcuengh》gij cozyung dieg youqgaenj youq ndaw hong doigvangq yungh senhconz Sawcuengh Vahcuengh, bineix gyaeuji-bi, Swcigih Minzyijveij haenqrenz maeuzveh gij saeh cezmuuz gaijbanj, ginggvaq caeuq Guengjsae Yinzminz Gvangjbo Dendaiz doxyaeng, song mbiengj doxdoeng doxrox; ciuqei gvangjbo meizgai cienzboq gvilwd, giethab gij daegdiemj doigvangq yungh Sawcuengh Vahcuengh, ei gij fuengsik ciepsou saenqsik vunz daihneix, yungh

gij hingzik gawq gienzvi yiemzmaed, youh dawz son' gyauq caeuq guh'ang doxyungz guh itheij, caenh' itbous gya'gvangq gij rengzyingyangj cezmuuz, gyalai gij ligdoh senhconz doigvangq Sawcuengh Vahcuengh, caux ok gij heiqaenh daengx aenbiengz hag、haeucoengh、swnjcienz Sawcuengh Vahcuengh.

Youq song mbiengj caez roengz-rengz ca mbouj lai buenq bi, 《Hagdanz Gvangjbo Sawcuengh Vahcuengh》gaijbanj le youq ndwen 6 ngoenz 1 youq Guengjsae Yinzminz Gvangjbo Dendaiz Sinhvnz 910 binzdau cingqsik boqok.

Ciuq cam rox, 《Hagdanz Gvangjbo Sawcuengh Vahcuengh》gaijbanj le,

gungh laeb "ngoenz ndeu dangz ndeu" "Vahcuengh dingq lajmbwn" "Vahcuengh hai gangj lo" "vih mwngz doeg sei (banj Vahcuengh)" "cwngcwz ngoenz-ngoenz doeg" "dingq go Mbanjcuengh gyaeunde" 6 aen banjgvai iq, cujyau gangj gij giekdaej cihsiz Sawcuengh Vahcuengh、gveihfan swz coenz, senhconz minzcu cwngcwz, boqbauq seiz-seiz sinhvnz, langhbaij minzcu vwnzyoz、ciengqgo yisuz caeuq fungsug sibgvenq daengj. Gaijbanj le cezmuuz neiyungz engq fungfouq, hingzik engq lai yiengh, engq ndaej hab'wngq boudingq daihneix sou ndaej saenqsik, youq mwh soudingq hagsib gij daegdiemj cihsiz Sawcuengh Vahcuengh.

(Ouh Caijfangh)

SIUSIK DINJ

简讯

● Ndwen 6 ngoenz 5, Mungzsanh Yen youq Hanhauz Yangh Ginhung Cunh banh bi 2018 aen ban son-gyauq gohgi mehmbwk ndaem lingzcih, 50 lai boux mehmbwk caeuqfaenh son-gyauq dinfwngz ndaem lingzcih, vih coicaenh mehmbwk lajmbanj cau hnieb couhnieb、laisou baenz miz daezhawj dinfwngz cengjdaemx.

(Gvanh Sinh)

● Geij bi neix daeu, Denhngoz Yen gaenxmaenx sonyinx bouxguhnaz ndaem gonengznuengx ciengx nonsei, daiqdoengh Gwnghsinh、Naciz caeuq Luzbaiz daengj yanghein buek vunz gungzhoj diegbya ndeu doenggvaq ndaem gonengznuengx ciengx nonsei vut gungz baenz miz. Ciuq aen yienh neix nungz-yezgiz gyoepsuenq, seizneix, daengx yienh miz suen gonengznuengx ca mbouj lai 3000 moux, ndaej reh ceiq daemq daengz 10 dun doxhwnj.

(Vangz Yenzsungh)

● Ndwen 6 ngoenz 5, Nanzdanh Yen Aiveiban、Veigiveij、Cizgung Cungsing daengj lai bouhmonz lienzhah Cwngzgvanh Cin Daihngaih Cunghyoz, haiguh "ngoenz seiqgyaiq mbouj miz ien" senhconz haeu hagdanz hozdung, gangj gij sienghah cit ien hawj gyoengq hagseng. Hozdung yienhciegz, boux-guhhong doenggvaq gyangico、fat mbawdan senhconz、baij canjbanj daengj fuengsik, hawj caezgya roxyiuj gij sienghah caeuq gij doxgaiq miz haih ndaw ien hamzmiz haenx.

(Luz Yauz)

● Ndwen 6 ngoenz 4, Cungzcoj Si Cwnghez bi 2018 vut gungz baenz miz haeu siujgangh—veiswngh gohgi vwnzva "sam roengz mbanj" hozdung youq Lungzcough Yen Yadung Cin Dozgyangh Cunh banh, hozdung fungfouq lai yiengh, miz gofoux、doiq fwen、siujbinj daengj biujiyenj cezmuuz, yinx ndaej haujlai vunz daeu yawjngonz.

(Hij Cibingz)